

Егемен Қазақстан

Тәуелсіздік толғауы

(«Ұлы Даңда ұлағаттары» атты жаңа туынды жайында)

The cover of the magazine 'Егемен Қазақстан' (Egemen Kazakhstan) features a portrait of Nursultan Nazarbayev. The title 'ҰЛЫ ДАЛА ҰЛАҒАТТАРЫ' (Uly Dala Ulagattary) is prominently displayed, along with the author's name 'Нұрсұлтан НАЗАРБАЕВ'. The magazine is dated 'Карияларымыз – Қазынамыз' (Our Countrymen – Our Homeland).

Ұлы Даңда елінің тарихы ықылым замандардан бері небір қылыш кезеңдерді, қым-қиғаш оқиғаларды өткерді. Қазақ қоғамы бергі дәуірдің өзінде Жонғар шапқындаған, Қоқан қоқандаған, Ресейге бодан болған, сөйтіп, қоғам азған, дәурені озған, замана тозған, сана күйрекен, жүйе арпалысқан; елдің басынан бағы, астынан тағы тайған; аспанды бұлт торлаған, жақсыларды қорлаған; ер еңіреген, ел құніренген; тексізден туып зор болған, тектілері қор болған, еңсені басқан, қайшылығы мол аса ауыр, күрделі кезеңдерді басынан кешті. Қазақ бәрібір сонда да елдігін сактап қалды.

Ұлы Даңда төсінде талай мемлекет орнатқан, елдіктің туын жықпаған, елдігімізді де, кеңдігімізді де сактап қалған, тар кезеңде жол тапқан, тарыққанда ақыл тапқан ұлылар аз болған жоқ. Тарихта Сақ, Ғұн, Түрік қағанаты, Қарлұқ, Қараханид, Қимақ, Дешті Қыпшак, Алтын Орда, Қазақ хандығы деп аталатын іргелі ел түзеген, салтанат құрған, әлемді аузына қаратқан, дүниенің төрт бұрышын билеген Мәде, Еділ патшалар; Бумын, Естеми, Елтеріс қағандар; Тонықөк, Қорқыт, Құлтегін даналар; бергі дәуірдегі Керей, Жәнібек, Қасым, Есім, Тәуке, Абылай хандар; Асанқайғы, Қазтуған, Бұқар жыраулар; Төле, Қазыбек, Әйтеке билер; Ақтанберді, Бердіқожа, Қабанбай, Бөгенбай, Наурызбай, Санырық, Есет батырлар – бәрі де елге қорған-пана болған; ел үшін де, жер үшін де басын бәйгеге тіккен ұлы тұлғалар еді.

Іә, ұлан-ғайыр қазақ даласында небір хандар мен көсемдердің де, билер мен шешендердің де, жыраулар мен даналардың да, батырлар мен ақындардың да өткені рас, бірақ аргы-бергі тарихымызда Нұрсұлтан Назарбаевтай кісі болған жоқ.

Әйткені, Назарбаев – тарихтың да, тағдырдың да сынынан абыраймен өткен; халқын қылқепірден, жанып тұрған өрттөн аман алып шыққан; бабалар аманатын жүзеге асырған; қирандыдан тәуелсіз мемлекет орнатқан; оның мектебін, дәстүрін қалыптастырған; Қазақстанның өз жолын тапқан; елін әлемге танытып, мойындаған; қазақтың есіктегі басын төрге шығарған; ынтымақ-бірлігі жарасқан халқын сүттей ұйытып отырған жасампаз қайраткер, Ұлы Даңаның тарихын қайта жазып жатқан ғұлама; тәуелсіздігіміздің архитекторы, реформатор; ел-жүртіның панасы, жанашыры; тұған

халқының тірегі, Бәйтерегі, алтын діңгегі; Шығыс пен Батыстың, Азия мен Еуропаның, мұсылмандар мен христиандардың үмітін жалғаған, Еуразия кеңістігінде тұрақтылық орнықтырған, адамзат тарихында есімі алтын әріптермен жазылатын әлемдік тұлға.

Ол экономикасы қуатты, саясаты тұрақты, таңы арайлап ататын, кеші тыныш бататын, халқы үйқыда алаңсыз жататын, ертеңіне сенетін еңселі ел орнатты; аласапыран дәуірдің ауыр жүгін кәтепті нарадай көтерді, халқының сөзін ұстады, ақиқаттың ақ семсері, ұлтының ұраншысы болды, қара қылды қақ жарды; үнемі елдікті, береке-бірлікті ту етіп келеді.

Президент Назарбаев экономикалық реформа, әлемдегі тыныштық, мемлекетаралық қатынас, саясат, елдік мәселелеріне арнап талай кітап жазды. Олар әлем тілдеріне аударылды.

Таяуда автордың «Ұлы Дағы алаңшыры» деп аталатын бұрынғы еңбектерінің ешқайсысына ұқсамайтын; жөні де, мәні де бөлек; сырласатын, жаңына шуақ шашатын, сарайынды ашатын, мауқынды басатын, көкейіндегіні табатын, айызынды қандыратын, нымыс отын жандыратын ғибратқа, тағылымға толы жаңа кітабы қолымызға тиді.

Қызығып оқисыз. Кітаптың негізгі арқауын Қазақстан тарихының жаңа заманы, ғасырлар бойы аңсаған Тәуелсіздік жолындағы қым-қигаш күрестер, халқымыздың бүгінгі баянды тіршілігі құрайды. Өмір жолы шым-шытырық, шытырман оқиғалармен өріліп жатқан ауыл баласынан Ұлы Дағыданасына айналған кісінің басынан кешкендері мен өз қолымен орнатқан тәуелсіз мемлекетінің кешегісі, бүгіні, ертеңі баяндалады.

«Тұған елім – тірегім», «Ел мен ер және жер», «Тәуелсіздіктің тал бесігі», «Саясат салтанаты», «Тұған тілдің тұғыры», «Иман мен иба», «Қыырдан келсе қандастар», «Өнердің өрісі кен», «Жаңғырып келер жас толқын», «Еңсесі биік елорда», «Отбасы – Отан тірегі», «Қарияларымыз – қазыналарымыз», «Мұраты бірдің – қуаты бір» деп аталатын он үш бөлімнен тұратын аса құнды еңбекте Мемлекет басшысы тәуелсіздігіміздің жиырма бес жылдық мерейлі белесінен, заманың зердесінен Қазақ елі, ел мен жер тағдыры, Алматы мен Астана, жаһандық мәселелер, қоғамның дамуы, шет елдердегі қандастарымыздың тағдыры, ана тілі, жастар, имандылық пен кіслік, өнер, отбасы, Мәңгілік Ел мұраты, жалпыұлттық жауапкершілік туралы терең тебіренеді, жүрекжарды ой толғайды, оқушысымен бүкпесіз, риясыз сырласады, өмірден көрген-түйгендерін ортаға салады.

– Міне, Тәуелсіздігімізге ширек ғасыр толған торқалы кезенге келдік. Бұл аз уақыт па, әлде көп пе? Неден бастадық, қай жерге жеттік? Осының бәрін таразылап, бағасын беретін шақ келді.

Ойланасың. Толғанасың. Ғасырлар бойы азаттығы үшін алысып, сан шайқасты бастан кешкен әзиз бабалардың арман-үміті көкейіңе кептелгенде ел мен уақыт алдындағы, заман зердесіндегі жауапкершілікті одан әрі терең сезіне түсесің.

Осынау ширек ғасыр ғана тәуелсіздік жылдарында небір оқиғаларды бастан кештік. Қылыш кезендер мен бейтаныс бөгеттерді басып өтіп, өз жолымызды табуға ұмтылдық. Жаңа дәуірдің болмыс-бітімін, ұлттық салт-дәстүрлерімізді заманауи сын-тегеуріндерге бейімдедік, мемлекет болып қалыптасудың өзіндік арнасын тауып, мектебін қалыптастырыдық. Бағзы бабалардың ұлы аманатын орындау жолында ишқа түскен жүкті ешқашан ауырсынғанымыз жоқ. Бәрін де тыңнан бастап, халқымызбен бірге қалыптастырыдық. Жоқтан бар жасадық. Жиырма бес жыл мемлекетіміз үшін қалыптасу тұғыры ғана болып қойған жоқ, біз өзгелерге де улгі болатындай биіктерден көріне алдық. Өркениет көшіндегі өз орнымызды таптық. Қазақстанды әлемге таныттық. Жаңаша армандауды үйрендік. Жаңаша жол табуды үйрендік. Ел мен қоғамды дамытудың нақты міндеттерін алға қоюды үйрендік. Үйрене отырып, улгілі жолға түстік. Бұл жол – енді біздің жол, Қазақстан жолы.

1991 жылдың желтоқсан айының әр күні, әр таңы менің жадымда. Шынайы бақыт сезімін бастан кешіп, шалқар шаттыққа бөлендім. Жеке басыңың қуанышы мен бақыты бір бөлек те, тұған халқының қуанышы мен бақыты мұлде басқа екенін сол жолы ерекше

түсіндім. Тебірендім. Толқыдым. Бабалар аманатын орындау бақыты, елді ертеңгі күнге бастау парызы менің маңдайыма жазылғанын Жаратушының ерекше сыйы, айрықша мүмкіндігі деп түсіндім, – деп толғанады Елбасы. Осылай ағынан жарылады.

Иә, рас, сол бір үміт пен құдік арпалысқан елең-алаң, арты бар, алды құнгірт, көңілді үрей билеген, әбіржіген, шаршаған, титықтаған шытырман кезең әлі күнге дейін бәріміздің де жадымызда. Сондай аса бір жауапты шақта істің қисының тапқан, қыындықты жеңе білген Президентіздің көрегендігі де, көсемдігі де дәл бүгінгідей көз алдымызда. Жарғақ құлағы жастыққа тимей, жанын шуберекке түйіп жүріп тыңдан жол іздең, тарихтың жаңа дәүірін бастаған Елбасының сол тұстағы мазасыз құндерінің, ұйқысыз тұндерінің, жан тебіренісінің, құйзелісінің күесіміз. Ол ешқашан ұмытылмайтын, шайқасқа бергісіз, естен шықпайтын нағыз қарусыз майдан еді.

Қазақ бұрын-соңды мұндағы қоғамды басынан кешкен жоқ. Сондықтан да Тәуелсіздіктің алды да, әдепкі жылдары да шым-шытырық, қым-қиғаш оқиғаға толы болды. Сендей қозғалған қоғамды, толқыған елді ұстап тұру, сабасына тұсіру онай болған жоқ.

Несін айтайық, тәуелсіздікті көрудің, оны сезінудің өзі де онай емес еді. Қирандыдан ел түзеп, тәуелсіз мемлекет орнату, оны ұстап тұру – қыынның қыны еді. Қуанған да, қорықан да бір дегендей, елдің есі шығып, ақылға сыймайтын, адам айтса нанғысыз жындар, шерулер өтіп жатты, бұрын ешкім білмейтін көлбендерген небір «көсемдер», сайраған неше түрлі «шешендер» шықты.

Әбіржідік, бірақ дағдарғанымыз жоқ, ақылға салдық, әліптің артын бақтық. Қектегіміз жерден табылып, басымызға бақ қонып жатқанда, тілі байланған ел сөйлесін, еркіндікті сезінсін дедік. Қолымыздан келіп тұрганда істеп қалайық, тіліміз шығып тұрганда сөйлеп қалайық дедік. Сондай сын сағаттарда, тар жол, тайғақ кешулерде алдымызда алмас қылыштай жарқылдаپ Нұрекен жүрді. Біз құндыз-тұні жанында жүрдік. Желеу болдық. Демеу болдық. Тұн ұйқымызды төрт бөлдік. Құлқісіз құндерді, ұйқысыз тұндерді бастан кештік.

Елбасының бір қапталында жүрген кезімізде, тәуелсіздіктің алдындағы елең-алаңда, дүрбелен мен дүбірден, ызы-қиқыдан аман шықсақ, бұл әуелі қадірменді Елбасының, қала берді сол кездегі билік басында жүрген азаматтардың жанкешті енбегінің арқасы еді.

Мемлекет орнату, оны қалыптастыру, баянды ету дейтін күрделі процеске қатысады Алла кез келген кісінің маңдайына жаза бермеген. Біздер – сол бақытқа ие болғандармыз.

Тұңғыш Президент сайлауының штабын басқарудың, Елбасын тұңғыш рет таққа отырғызу рәсімін атқарудың, Дүниежүзі қазақтарының тұңғыш құрылтайын, Қазақстан халқының форумын өткізуін, қазақ қазақ болғалы басына тіккен Ақорданың ашылу салтанатында баталы сөз айтудың маған бүйірғанын тарихтың пешенеме жазған несібесі деп санаймын. Сол бір аса жауапты кезеңде жанымда ақылшы да, демеуші де бола білген, тәуелсіздіктің отына жанбаған, суығына тоңбаған, келешегінен ұлken үміт күткен Иманғали Тасмағамбетов, Қырымбек Көшербаев, Сауытбек Абрахманов, Марат Тәжин секілді жігерлі де ақылды жігіттер жүрді жалындал!

Әне бір жылы Қазақ хандығының 550 жылдығы атальып өтіле ме, жоқ па деп ел күпті болып жүрген кезде, Ұлытаудың етегінде, Әулиебұлактың басында ата тарихы, елдік, тәуелсіздік, қазақы әдеп, дәстүр, салт, келешек туралы Елбасының ағынан жарылып, ел-жүртімен терең сырласқаны есімізде. Бұл кітап – сол сыр-сұхбаттың жалғасы.

Еңбектің өн бойында автордың ел мен жер мәселесі жөніндегі ойлары; туған жерге, халқына деген шексіз мейірімі үнемі құстың кос қанатындағы қалықтап, даңғыл жолдай сайрап, кестедей төгіліп, қамшыдай өріліп, әдемі астасып жатады.

Сөзді автордың өзіне берейік:

– Қазақтың қасиетті жері – біздің асқақ рухымыз, баға жетпес байлығымыз, мәнгілік мұрамыз. Осынау ұлан-байтақ жеріміз бізге бабалар ерлігінің арқасында мұра болып қалған. Жердің қадірін білу арқылы елдің қадірін білесін. Қазақ үшін қара жердің қасиеті де, нарқы да тым биік. Тағдыр бізге ұлан-байтақ жер берді, рухы асқақ, намысы биік ел берді. Біз осы жерде өмірге келдік, ұлт болып ұйыдық, халық болып қалыптастық. Хан көтеріп қатарға қосылдық. Мемлекет болып мереімізді өсірдік. Жердің иесі де, киесі де – халық. Бұл біздің ешқашан естен шығармайтын ережеміз, қасиетті қағидамыз, – деп ой өрбітеді Елбасы.

Күні кеше ғана жер сатылады деп ел дүрлігіп, әбіржіп, әуре-сарсанға түскен шақта, 2015 жылы қабылданған Жер туралы Кодекстің төрт бірдей бабын тежеп, мемлекеттік комиссия құрып, қорытындысында сол заңға бес жылға дейін тыйым салған да Елбасының өзі.

Әлем ортақ, жер ортақ, мұны Алла адам баласы үшін жаратты. Қазақ бағзы замандардан бері Көкке-Тәнірge, Жер мен Суға табынып келеді. Қасиетті қазақ жерін қорғаймын деп талай хандар, талай батырлар алтын басын бәйгеге тікті. Елін, жерін қорғаған, халқына қорғаған, пана болған хандар мен батырларымыздың даңқы асып, аты анызға айналды. Оларды халқы сол үшін ардақтап, кие тұтты. Осының бәрін біліп отырып Құдайдың жерін саудага салғысы келіп таласқандарға не дерсін.

Халықтан ешкім үлкен емес. Қөшпілікпен ақылдаспай, келіспей шешкен істің арты баянды болмайды. Фасырлар бойы жер үшін соғысқанда да, аштан қырылып жатқанда да қазақ жерін сатқан жоқ. Жер – Ана, Жер – Отан деумен келеді. Анасын, Отанын ешкім сатпайды, жалға да бермейді. «Жері жоқ ел мемлекет құра алмайды, жері жоқ ел өмір сүре алмайды» деген екен гой Ғұндардың көсемі Мәде бабамыз, қазақтың өз алдына ел болып, мемлекет болып отырғаны әуелі сол киелі қара жердің арқасы.

Жүре берсең, көре бересің дегендей, бүгінде баласын сатқан «ана» шықты, жерді сатсақ дейтін белсендерілер шықты.

Жердің тағдыры – елдің тағдыры. Жерді ешкім бағалай алмайды, ол ешқандай алтынмен де, ақшамен де өлшенбейді. Ел кеше дүрліккенде, заңдан қорыққан жоқ, жекешелендіру кезінде етек алған жөнсіздіктен, заңсыздықтан қорықты. Жердің киесіне, құшырына ұшырап қаламыз ба деп әбіржіді. Қоғамдағы қобалжуды дер кезінде сезген, елдің бірлігін, жердің бүтіндігін сақтауда көрегендік танытып келе жатқан Елбасы құрмеудің түйінін тағы да өзі шешті.

Елбасының күні-түні ойлайтыны да – ел мен жердің тұтастығы; бір қолдың саласындаған, бір кісінің баласындаған халқының ынтымақ-бірлігі, тыныштығы. Автордың туған жерге, еліне деген ақ пейілін, шын ықыласын шығарманың өн бойынан айқын анғарамыз.

– Мен ешкімді алалап қараған емеспін. Бәрі де – менің халқым, туған жұртым. Береке-бірлігі жарасқан, ертеңіне ортақ арман-үмітпен қараған оларды ешқашан шектеп, шеттеуге болмайды. Өйткені мына жер, мынау аспан мен тау бәрімізге ортақ. Баршасы – ел мен жердің ортақ байлығы, ортақ қазынасы. Бүгінгіміз де, ертеңгіміз де ортақ, – дейді Президентіміз.

Тәуелсіздік алған жылы Қазақстанда қазақтың саны бар болғаны 39-ақ пайыз еді. Бізді сол бір қыын-қыстау, тар кезеңде бірге өмір сүріп келе жатқан өзге ұлт өкілдері де қолдады. Мұны ешқашан ұмытуға болмайды. Ұмытпаймыз да. Елбасы да ұмытқан емес, ұмытпайды, ешкімді бөлмейді, алаламайды. Сондықтан да Президент тәуелсіздіктің алғашқы күнінен бастап-ақ елдің ынтымақ-бірлігін көзінің қарашығындағы сақтап, тәуелсіз мемлекетіміздің туының тұғыры етіп, көкке көтеріп, асқақтатып келеді.

Анасының ақ бесігінде тербеліп, ата-бабасының салт-дәстүрін бойына сіңіріп, ұлтының асыл қасиеттеріне қанығып өскен Нұрсұлтан Назарбаев туған халқын жан-тәнімен сүйеді; қаһармандығын, кең пейілін, ізгі қасиеттерін дәріптейді, азат Қазақстаның мақтан тұтады.

– Халқымыздың қай мұрасын алсақ та, одан тек үлгі мен өнегені, ақыл мен парасатты, адамгершілік пен имандылықты, достық пен бауырмалдықты, ақындық пен батылдықты, қонақжайлышты, аңқаулық пен адалдықты айқын көреміз. Халқымыздың бар асыл қасиетін, ұлттық салт-дәстүрін төрге шығарып, төбеге көтеріп келеміз.

Біз жоқтан бар, иманнан ар жасаған ұрпақтың өкіліміз. Бостанбыз. Азат халық болып Еуразияның алып аймағын жайлап жатырмыз. Бізге де қызыға, қызғана қарайтын, бізден де үлгі-өнеге алатын елдер аз емес. Жаңа заман біздің өрісімізді кеңейтіп, жолымызды ұзартты. Тілімізге теңдік, ойымызға кеңдік берді. Төрткүл дүниенің төрт құбыласынан тұрақты дос, сапарлас серік, қақысы бұзылmas көрші тапқан Қазақстан жаңа мыңжылдықтың ұлы көшінде керуен тартып келеді. Кешегі Жібек жолы енді дәүірдің даңғылына айналып, казақ елін дамудың жаңа сапарына бастап барады. Біз кешегі заманды қайта түлетіп жатырмыз, – дейді автор.

Іә, бұл айтып отырғандарының бәрі де шындық. Елбасының мұны да, сырды да, жыры да, бар асылы мен қымбаты да, мақтанышы да – ғасырлар бойы зарықтырып жеткен аңсаулы да арманды Тәуелсіздік; ойлайтыны – халқының болашағы, көздейтіні – алаштың мұддесі, арманы – елінің келешегі.

– Бұл кітапты «Мениң Қазақстаным» деген толғаудың тұғыры деп түсінген абзал. «Мениң Қазақстаным» – біздің Тәуелсіздігіміз! Құн өткен сайын Тәуелсіздігіміздің мәнін терең ұғына түсеміз, айбынымыз асып, ата-бабаларымыз аңсаған күнді бастан кешіп жатқанымызға шүкіршілік етеміз. Тұғырымыз да, ғұмырымыз да – Тәуелсіздік! Тәуелсіздік – менің Қазақстаным, сіздің Қазақстаныңыз, бәріміздің Қазақстанымыз. Біз осы елде туып, осы елде еңбек етіп, осы елде үрпақ өсіріп, осы елде баянды өмір сүріп, еркендеп жатқанымызды мақтан етеміз.

Біздің Қазақстанымыз – Ұлы Даңда елі, Мәңгілік ел. Біз осынау аса қасиетті атауды енді ұлттық бейне-бедеріміз ретінде көкірегіміздегі құндей ыстық, санамыздағы серттей берік ұстаймыз. Ұлы Даңданың ұлы тарихын біз жаңаша жазып, жас ұрпақтың санасына сініреміз, – деп тебіренеді Президент. Осы бір жолдарды оқып отырып, бағзы заманың толғауларын тыңдағандай боласың.

Кітаптың бәрімізге өте жақын, жүргегімізге ерекше бір жылыштық ұялататын, тебіреніске толы беттері аяулы Алматы мен асқақ Астанаға арналады.

Алматыда өсіп-жетілдік, үйлі-жайлы болдық, алғаш перзент сүйдік, қатарға қосылдық, ел таныдық, бізді еліміз таныды. Тәуелсіздік бақыты қазақтың басына осы Алматыда қонды. Шындарын аппақ қар жапқан, тәбесі кек тіреген, қойнауы құт, асқақтаған Алатаудай сұлу тау жоқ жаһанда; жұпардай исі аңқыған алмасы көздің жауын алған Алматыдай жұмақ қала жоқ жер бетінде. Алатауды да, Алматыны да сәл көрмесек сағынатынымыз, алыста жүрсек аңсайтынымыз, ылғи аялай, қадірлей беретініміз содан.

Алматы – Тәуелсіздіктің тал бесігі, ұлттық сананы қалыптастырудың рухани ордасы, ұлағаттың төрі. Алматы – біздің балдәуреніміз, студенттік жалындаған жастық шағымыз, еңбек жолын бастаған кең ордамыз, жан-жақтан келіп жайғасқан құт қонысымыз; самал соққан, гүлге оранған жан рахаты; ғажайып қала, аңыз қала, абыз қала.

Өмір бір қалыпта түрмайды. Дәуір көшеді, қоғам өзгереді. Заманға сай саясат қалыптасады. Қым-қиғаш, арпалысқан, аласапыран, зымыраған заманда Елбасы елорданы ауыстыру керек деген ойда жүрді.

Елорданы Отанымыздың орталығына көшірудің стратегиялық, саяси-әлеуметтік, қоғамдық-руханияттық маңызы дау туғызбайтын шындық еді. Бұл – ешқашан тоқтамайтын, жалғаса беретін үрдіс. Ұлы Даңада әртүрлі себептермен талай мемлекеттердің құлағанын, талай астаналардың ауысқанын, бірде бағы жанып, бірде басынан бақ тайғанын тарихтан жақсы білеміз.

Кезінде дүниенің төрт бұрышын түгел билеген Түрік қағанаты ынтымақ-бірліктен айырылған қүннен бастап ырысы қашып, ыдырап, ордасы ойран болып, талауға түскені белгілі. Алауыздық пен өзара қырқыс талай қағанаттың, талай орданың түбіне жеткен.

Қарлұқтардың астанасы Құлан да, одан кейінгі Тараз да, Дешті Қыпшақтың астанасы Сығанақ та сол зауалдан құтыла алған жоқ. Сыр бойындағы Сығанақ пен Сауран, Отыраар мен Түркістан, Жайық бойындағы Сарайшық, Жетісудағы Баласағұн, Мерке – бәрі де қиын кезеңдерді, хикметті басынан кешкен, тарихы тұнған сан тағдырлы ордаларымыз еді. Қазақстан жиырмасынышы ғасырдың жүзінде ғана өзінің бас қаласын бірнеше мәрте өзгерту – Орынборға, Қызылордаға, Алматыға көшірілді.

Астананы ауыстыру – еріккеннің ермегі емес. Бұл тарихи қажеттіліктен туындарды. Соңғы көш те сондай қажеттіліктен туындағы. Кезінде төрт жүз мың тұрғынға арналып салынған қазаншұнқырдағы Алматының халқы миллионнан асып, қаланың тынысы тарылып, тұншыға бастады. Көк азайды, көлік көбейді. Экологиялық, демографиялық мәселелер пайда болды. Қаланың даму қарқыны тежеліп, тұйыққа тірелді. Мың үш жүз жылдан кейін Ұлы Даңда Мәңгілік Ел орнату идеясы қайта тұледі.

Осының бәрі астананы көшіру идеясын тездедті. Сөйтіп, 1997 жылы Қазақстанның елордасы Арқаның төріне, Еуразияның кіндігіне жол тартты. Астана көшерде толқымаған адам қалған жоқ.

Елдің көшін Арқаға бастаған Елбасы сол бір күндерді есіне алып:

– Алып ұшақтың баспалдағында тұрып, жаным толқып, аяулы Алматыға бас иіп, қоштасқан сәтімді ұмытқан емеспін. Алатау сонда ақ сақалы алдын жапқан абыз қариядай басын шұлғып, батасын бергендей сезініп, қанаттанып аттандым. Сөйтіп, еліміздің ертеңіне жол тарттық, болашағымызды бетке алып, сапарға шықтық. Бұған адам да, заман да күә, – деп жазады.

Астана аз ғана уақыттың ішінде Қазақстанның ғана емес, бүкіл Еуразияның астанасына, әлемдегі ең бейбіт, аса қарқынды дамыған, ықпалды, мәмілекер қалаға айналды.

Автор өз кітабында Астананың ұлт тарихындағы, тәуелсіздікті орнықтырып, дамытудағы, әлемдік саясаттағы орнына, келешегіне кеңінен тоқталады, үлкен мейіріммен, асқан шабытпен жазады.

– Қазіргі Астанамыз – біздің мемлекеттік стратегиялық мұддеміз бен ұлттымыздың ерік-жігерінің бейнесі, тәуекеліміз бен табандылығымыздың келісті көрінісі, – дейді.

Оқушының назарын ерекше аударатын бөлім – «Саясат салтанаты». Мұнда Тәуелсіздік жылдарындағы табысты, жемісті жүргізілген ішкі-сыртқы саясаттың қыры мен сыры, арғы-бергі тарихы, айла-әдістері, мехнаты мен салтанаты егжей-тегжейлі талданады.

– Ұақыт, әр кезең өз саяси тұлғасын тудырады. Дәуірі таңдайды. Заманы қолдайды. Біз – халықтық саясаттың мәртебелі мектебінен шыққан елміз. Осы елде туып-өскен үрпақпаз. Бабаның данқын бұлдаپ, бұра тартқан жеріміз жоқ. Ұлы Даңаның ұлағатын ұлттық тарихымыз деп бағалай отырып, жаңа тарихтың тарауларын жазып жатырмыз, – дейді.

Рас-ақ сөз. Әр заман өзіне сай өз қайраткерін таңдайды. Қазақ тарихының Тәуелсіздік кезеңі, бүгінгі дәуір басқа ешкімді емес, Нұрсұлтан Назарбаевты таңдады. Тарих та, халық та қателескен жоқ, ол елін де, халқын да келешекке нық бастап келеді. Қитұрқысы, айла-әрекеті, бұраланы көп саясаттың барлық амалын жетік менгерген Н.Назарбаев бүгінде әлемдік саясаттың биігіне көтеріліп, төріне шықты. Халқымның табанына кірген шөнге маңдайыма қадалсын деп, жұрттымды қатардан қалдырмаймын, ел-жұрттымның бөлінбес бүтінімін деп, Отанының тыныштығын, бакытын, жарқын келешегін ойлаумен күн кешіп, қара шаңырақтың иесі де, киесі де ретінде күллі Түрік дүниесінің қамында келеді.

Мемлекетті қалыптастыратын да, орнықтыратын да, ел мен елді табыстыратын да, шабыстыратын да – саясат. Елбасы өз кітабында сан салалы саясаттың төрінен біз кеше кім едік, бүгін кімбіз, ертең кім боламыз, не бітірдік деген мәселелерді түптен тартып, терең толғайды:

—Қазақ елі – Еуразияның Ұлы Даласында орнаған арғы дәүірдегі Сақ, Ғұн, Үйсін мемлекеттерінің, бергі замандағы Ұлы Түрік қағандығы, Дешті Қыпшақ пен Алтын Орда мемлекеттерінің заңды мұрагері.

552 жылы Алтайда «Ұлы Түрік қағанаты» атты қуатты, қүшті мемлекет дүниеге келді. Ол Алтай мен Кавказ арасындағы алып далада жеке дара билік жүргізді. Дәүірлеп түрған кезінде Византия мен Ираннан, Қытайдың екі патшалығынан алым алған ер Түріктің бір кездे берекесі кетіп, өз ішінде билікке талас басталғанда, әуелі батыс пен шығысқа ажырап, кейін Оғыз, Қарлұқ, Қыпшақ болып бөлініп, ақырында жауларына жем болды.

Демек, саясаттың ең басты ұстанымы – бірлік. Бірлігі жеткен ел озады, бірлігі кеткен ел тозады. Бірлік – біздің барлық жеңістеріміздің қайнар көзі, тыныштығымыз бен бейбіт өміріміздің қорғаны.

Біз бүгінгі саясатты ұлттық рухтың еркіндігі негізінде жүзеге асырып келеміз. Рухы еркін халық қана ұлы істерді атқара алады. Біздің ұлы ісіміз – тәуелсіздік алу, оны тұғырлы ету болды. Орындағық. Ұлан-байтақ шекарамызды шегендедік. Әлемдік өркениет өлкесінде көш соңында қалып қоймай, қүштіге жағынып, жалпақтамай өмір сұру принципін орнықтыруды ойладық. Ойымыз жүзеге асты. Азын айға білеген, атағы жер жарған халықаралық ұйымдарды төрімізге шығарып сөйлетуді жоспарладық. Жоспар орындалды. Кеңес өкіметінің тұғырында тұншығып күн кешкен еліміздің рухын қайта көтеруді міндеттендік. Уәде үдесінен шықтық.

Астана төрінде сан мәрте халықаралық форумдар, саммиттер, симпозиумдар, құрылтайлар өткіздік. «Босқа шығынданып, осының не қажеті бар?» деген сөздер де айтылып жатты. Тіпті, бұдан да өткен, шымбайға бататын сөздерді естуге тұра келді.

Әр нәрсенің қайтарымы, әр істің нәтижесі болады. Біз осына ұлы басқосулардың арқасында алаш жұртының абыройын асқақтаттық. Өзімізді таныттық. Бүгінде әлемнің төріне шықтық, тәралқалық жасап, тәбе бидей төрелік айттық. Кезінде ұлт тарихының бастауындағы болған Ұлытаудан сөз ұстасақ, енді ұлы төр – Акордадан әлемге тіл қатып жатырмыз. Қазақтың сөзі ғарышқа жетті. Қазақ тілі Біріккен Ұлттар Ұйымының мінбесінен сөйледі.

Осылай болады деп күні кеше кім ойлады дейсің, мұның бәрі де – бүгінгі шындығымыз, Елбасы жүзеге асырып келе жатқан сарабдал саясаттың нәтижесі, ынтымақ-бірліктің арқасы.

Ешкімді қарумен қорқыта алмайсың. Ең үлкен күш – қару емес, татулық. Оны сұрап та, сатып та ала алмайсың. Бүгінде Қазақстанның өз жолы қалыптасты; саяси жүйе, дінаралық үнқатысу, мәдени-рухани бірлік, ұлттық инфракұрылым орнықты, қазақстандық даму жолын әлем мойыннады; еліміздегі қоғамдық келісім мен ұлтаралық татулықты Біріккен Ұлттар Ұйымы ұлтаралақ келісімнің үлгісі ретінде бағалады.

Кітапта елді сұліктей сорып, мемлекетті тонап жатқан, қоғамды алаңдатып отырған сыйбайлас жемқорлық дейтін дертке, одан құтылудың жолдарына ерекше мән беріледі. –

Бізді қазір жүз ойландырып, мың толғандыратын бір кесел бар. Ол – сыйбайлас жемқорлық. Сыйбайлас жемқорлық – жегі құрт. Халықтың қазынасын тонап жатқан, іс басына келгенше мінәйім, қолға билік тигесін «құдайым» адамдар арамызда әлі де кездесіп жатыр. Президенттік билік жен ұшына жемір пиғылын тыққан сұғанактың сұғын қайтарып, ұзында өші, қысқада кегі жеткен кеңпейіл жұртының көкейіндегісін тауып, ретке келтіру үшін қолдан келгеннің берін жасайды, – деп жазады Елбасы. Бұдан артық қалай айтуда болады?

Елбасымыз бұл сөзді жесе де тоймайтын, жегенін қоймайтын, халқының қамбасына қол салатын, қол салғанда да мол салатын сұғанактарға арнал отыр. Жемқорлық – дүниеге құнығудан, еліне, ұлтына жаны ашымағандықтан, өзім болсам дейтін өзімшілдіктен туады.

Жемқорлық деген сүмдық кеше, я бүгін тұа қалған жоқ, әлімсақтан бері адамзатпен бірге жасасып келеді. Қай қоғам да, қай дәуір де мұнымен алысқан, күрескен, бірақ осы жеті басты жалмауызды адам баласы әлі күнге жеңе алмай келеді.

«Алтын көрсе, періште жолдан таяды» дегендей, дүние деген сары алтын, талайларды алдаған. Кедей байға жетсем, бай Құдайға жетсем дейді. Адамның өзі тойса да, көзі тоймайды, байыған сайын байи түскісі келеді. Сөйтіп, жемқорлық бақталастыққа апарады, адамды аздырады, қоғамды тоздырады. Мұның мысалы Қазақстанда да аз емес. Қазынаны, халықты тонап, қылмысты болып елден қашқандар, тұтылып түрмеде жатқандар жетіп артылады. Халықтан ештеңені жасыра алмайсың, осының бәрін халық көзімен көріп отыр, бәріне де шыдаپ, төзіп отыр.

Қарапайым халық несін жесін, жебірлердің дені – атқамінерлер, негізінде биліктің тізгінін, қазынаның кілтін, қазанның құлағын ұстағандар. Ең өкініштісі, солардың қайсыбірі – Елбасы сенім артқандар және өліп-талып сол кісінің маңайына жеткендер. Олар – дүниенің соңына түскендер; Құдайдан да, заңдан да қорықпайтындар; жердің де, елдің де, тарихтың да, ұлттың да қадір-қасиетін білмейтіндер; ұлттына ұлғі, туғанына тұтқа бола алмайтындар. Отансыздар, пірсіздер, опасыздар сондайлардан шығады.

Тәуелсіздікке дейін де, Тәуелсіздік орнағаннан бері де қоғамда күн тәртібінен түспей, жүртшылықты құпті қылып, үнемі толғандырып келе жатқан мәселе – ана тілінің ахуалы, оның келешегі. Бүгінде еліміздегі ең өткір мәселе – дін, жер, тіл тағдыры болып тұр.

Ана тілін жастайынан дәріпте, ата-бабасының дәстүрі мен әдел-ғұрпын, тарихы мен мәдениетін, әні мен жырын туған тілінде тыңдал, жүрегіне ұялатып өскен Елбасы қазақ тілінің бүтіні мен болашағын көп ойлайды. Ұлттың ұлы казынасы – Ана тілін жаңа ғасырдың биігіне абыраймен алып шығу – бүгінгі ұрпақтың парзы деп санайды.

1989 жылы тіл туралы заң қабылданды, ана тіліміз мемлекеттік мәртебеге ие болды, содан бері мемлекеттік тілді дамытуға байланысты Елбасының бірнеше жарлықтары, Үкіметтің көптеген қауулылары шықты; арнайы Тіл комитеті құрылды; тілге қатысты сан түрлі құрылымдар пайда болды; жыл сайын бюджеттен миллиардтаған қаржы бөлінуде. Осыдан он екі жыл бұрын Президентіміздің: «Заңның қабылданғанына он бес жыл толды. Осы уақытта қазақ тілін аюға да үрететін уақыт болды ғой» деп кейігені де есімізде.

Айттың не, айтпадың не, бәрібір тіліміздің бағы жанбай тұр. Мемлекеттік тіл мемлекеттің тілі бола алмай тұр. Билік, реңди органдар мемлекеттік тілге әлі толық көшпей отыр. Қазақ тілі аударма тілдің күнін кешіп отыр.

–Іс басында, әсіресе халықтың көз алдындағы жауапты қызметте отырған қазактардың өзі мемлекеттік тілді менсінбей, өзге тілде сөйлеуге құштар болса, оған халық та, тіл де кінәлі емес. Кінәлі – ұлттық нағызының аздығы, арзан дүниеге еліктегіштік, ел дәстүріне енжарлық, – деп жазады кітабында Елбасы.

Елбасы айтып отырғандай, тілдің бағын ұлттық нағызы жоқтар, ана тілін менсінбейтіндер, өзге тілге әуестер, енжарлар, мемлекеттік қызметте жүргендер байлас отыр. Заңды бұзғандары үшін осы уақытқа дейін оларға ешқандай шара қолданылмай келе жатқанына таң қаласың.

Қазақстанда орыс тіліне де, өзге тілдерге де төніп түрған ешқандай қауіп жоқ. Оны Құдай да, адам да көріп отыр, құнделікті өмірдің өзі дәлелдеп отыр. Өзге мемлекетте сол елдің тілін білмесең, күн көре алмайсың, өмір сүре алмайсың. Біз неге өз елімізде өзге тілде өмір сүруіміз керек? Сөзден іске көшетін, заңды орындаатын, заңға бағынбайтындарға шара қолданатын, екі ауыз сөзді қазақша бастап, баяндаманы орысша жасауды да қоятын мезгіл жетті деп ойлаймыз.

Елбасы Президенттік сайлауға түскен сайын мемлекеттік тілден емтихан тапсырады, мемлекеттік қызметке қабылданатындар да мемлекеттік тілден емтихан тапсырулары керек. Олар мемлекеттік тілді білуге міндетті.

—Ана тілі – бәрімізді өмірге әкелген ардақты аналарымыздың ақ сүтімен бойымызға сінген тіл; санамызға ұялаған, көкейімізге қонған, жыр болып жадымызда тұнған тіл, – деп әлпештейді Елбасы ана тілін.

Нұрсұлтан Әбішұлының: Қытайдың, Ресейдің, Францияның Президенттері өз тілдерінде сөйлейді. Ылғи ана тілімде сөйлеуді мен де армандаимын. Тұбінде ана тілін қорғайтын қор құру керек – дегені де бар еді. Қазақ тілін қорғайтын, оның мемлекеттік деңгейін көтеретін шараларды жүйелі әрі батыл жүзеге асырсақ болар еді.

Ендігі жерде бәріміз де ана тілін ардақтайық, аялайық, қолдан келгеннің бәрін жасайық. Өйткені, ол – сенің анаңың тілі, ата-бабаңың тілі, туған халқыңың тілі, азат Қазақстанның тілі, ұлтыңың жаны, ұйытқысы, сондықтан, сен оны білуге, оған қызмет етуге тиістісің.

Кітапта дін, иман, ибалық; діннің тарихы, діни наным-сенімнің адамзатпен бірге пайда болғаны; адамның жан дүниесінің тазалығы мен адамгершілігі туралы сөз екендігі; өмір сұрудің қағидаттары екендігі туралы парасатты пайымдаулар; Ислам дініне таза ұлтшылдық тұрғысынан қарайтындар мен

Ислам дінінің негіздерін халықшыл-мемлекетшіл тұрғыдан терең түсініп, оның қадірін білетіндердің болатындығы жөнінде осы уақытқа дейін кездесе бермеген терең байламдар, салиқалы ойлар айтылады. Ислам дініне дейін де байтақ далада имани ниет пен адамгершілік ізгі қарым-қатынастың болғандығы; ежелгі Ғұн патшалығынан бермен қарай еліміз көк Тәніріне табынып өмір сұргендігі; мұның дәстүрлі элементтерінің халқымыздың өмірінде әлі де бар екендігі; құн мен айды қасиет тұту әлі құнғе халқымызбен бірге жасап келе жатқандығы; оның қазақ баласын жақсылыққа, ізгілікке, адамгершілікке тәрбиелеудегі рөлінің рухани күшінің жойылмағандығы жайында; рухани тазалығымызды сақтаудағы Тәнірлік түсініктерді әлі де ізгі діннің амалдары ретінде тұтынатындығымыз тұрасында да аса құнды ғылыми, дәйекті тұжырымдар жасалады.

Сонымен қатар, автор Ислам дініндегі қонақжайлышық, мейманостық, бауырмашылдық, қайырымдылық секілді адами асыл қасиеттерге тоқтала келіп, Құран сүрелері мен аяттарында мағынасы ашыла бермейтін мәселені ұлттық дәстүрлерден іздеген жөн, демек аруақты құрметтеудің, бейіт басына барып дұға бағыштаудың, Наурызды қуана қарсы алудың, жаңа туған аймен амандаудың дін алдында ешқандай да сөкеттігі, айыбы жоқ, бұлардың қай-қайсысы да Алла Тағаланың өзі жаратқан ігіліктеріне тағым деп түйіндейді. Сөйтіп, бүгінде ел ішін алатайдай бұлдіріп жүрген әртүрлі діни бағаттардың әрекеттерінің залал-зиянын ажыратып береді.

Елді алаңдатып жүрген жиһат ұғымына да, діни экстремизм, лаңкестік секілді дертердің табиғаты мен зардалтарына да кең тоқталады. Бүгінде елімізде мешіттердің де, мешітке баратын жастарымыздың да көбейгендігіне қуана отырып, Ислам дінінің сан тарау сұрлеулерінің бар екендігіне, соның бәрін ақылмен, жүрекпен талғап-таңдамай, атабаба дәстүрін әлде бір жат ұғымға мансұқ етіп, теріс жолға түсіп жүргендердің де бар екендігін ескертеді, өскелен ұрпақты содан сақтандырады.

—Өз дінінді қадір тұт, өгей дінге бас ұрма, Алла – адап ниетте, жүргегінді таза ұста. Изгілікті, қайырымдылықты өз еліңе жаса. Халқынды қадірле, жүртіңың салт-дәстүрін құрметте. Дін – ғылым, жан дүние жарасымын табиғатпен үйлестір. Ғылымның ғибратты жолын таңда. Білімінді жақсылыққа пайдалан. Заманыңың болмысын анда, деп әділеттің ақ жолына жөн сілтейді.

Тараудың соңында:

—Сирияда содырлардың сойылын соғып, тек өзі ғана емес, бүкіл отбасын құрбандыққа шалып жүрген; қолдарына қару алып, мойындарына қан жүктеп, қылмысқа барып, адасып жүрген; бейкүнә жандарды жер жастандырып, аナンЫ – жесір, баланы – жетім қылып жүргендердің күнәсін Құдай қалай кешіреді? – деп уайымдайды.

Елбасының дін, Ислам туралы қағидалары бүгінде Исламды тоқсан тарауға бөліп, жастарды адастырып, елімізге де, елдігімізге де қауіп-қатер төндірушілердің қатары көбейген тұста өте-мөте керегірек болып тұр.

Нұрсұлтан Назарбаев тәуелсіздіктің алғашқы күндерінен бастап дін мәселесіне ерекше мән беріп келеді.

Қазақстан – зайырлы мемлекет. Дін мен мемлекет бір-бірінен тәуелсіз. Біз үшін басты құндылық – мемлекеттің тұрақтылығы, тыныштығы, береке-бірлігі. Дін істері жөніндегі жаңа министрлік Президент осы үшін құрып отыр.

Қазақстан тәуелсіздік жылдарында бес рет Әлемдік және дәстүрлі діндер жетекшілерінің съездерін өткізді. Әлем тарихында дәстүрлі дін басылары бір шанырактың астына жиылып, діннің адамзат өркениетіндегі гуманистік қасиетін ешқашан бірге талқылаған емес. Дінаралық араздықты жою, дінаралық үнқатысады бүкіл адамзатқа пайдалы пікірлестер алаңына айналдыру – бұрын болмаған тарихи оқиға. Президент Н.Назарбаевтың табысты атқарып келе жатқан әлемдік, гуманистік миссиясының ең жарқын бір айғағы осы.

Кітапта әңгіме болып отырған мәселелерге бейтарап, енжар қарау мүмкін емес. Оқиғаға іштей араласып отырасың, автормен тікелей сөйлескендай, бірге ойласқандай, өз өмірінді, өз тағдырынды сезінгендей боласың.

Шетелдердегі қандастарымызға арналған тарауды оқығанда да толқысыз, тебіренесіз.

Тарихтың талайымен, адам айтса нанғысыз қорлық-зорлыққа шыдамай, бір кезде қазақтың біразы атажұртын тастан, өзге елге көшіп кетуге мәжбүр болды. Н.А. Аристовтың халық санағы жайындағы енбегінде 1897 жылды қазақтың саны төрт миллион деп көрсетілген екен. Сол жылғы шет елдерде тұратын қазақтың саны жұз мыңға жетілті. Бұгінде олар бес миллионнан асты, қырықтан астам елде тұрып жатыр.

1991 жылды 31 желтоқсанда Президент Нұрсұлтан Назарбаев Қазақ радиосынан шетелдегі қазақтарға арнап сөз сөйледі. Тебіреніп сөйледі. Толқып сөйледі. Ағайындарды елге шақырды. Бұл сөз шетелде өмір сүріп жатқан бауырларымызды дүр сілкіндірді.

Қыырдағы бауырларымыздың бар арманы – елге жету, тарихи Отанымен, туған жерімен қауышу еді. Оның сәті тек Қазақстан тәуелсіздік алғанан кейін ғана туды.

Мен ол кезде Қазақстан Үкіметі басшысының орынбасары едім. Радиодан сөйлеген күннің ертеңіне Елбасы маған:

- Дүниежүзі қазақтарының тұңғыш құрылтайын әзірлеңдер, – деп тапсырма берді. Ол кезде қазынаның да қалтасы тесік, бизнесте де ешкім жоқ. Соған қарамастан, сол бір сағынышты басқосудың әзірлігіне жан салып кірістік.

1992 жылдың 27 тамызында шетелдерде тұрып жатқан қандас-бауырларымыз жөнінде Қазақстан Министрлер кабинетінің қаулысы шықты. Елбасы менің басшылығыммен Құрылтайды өткізу жөнінде арнайы Комиссия құрып, осынау тарихи басқосуды ел өміріндегі маңызды іс-шара ретінде атап өту жөнінде айрықша нұсқау берді.

Төккен тер, еткен еңбектің арқасында Алматыда 1992 жылдың 29 қыркүйегінде Дүниежүзі Қазақтарының тұңғыш Құрылтайын ойдағыдай өткіздік. Құрылтайға келген ағайындар «Елім-ай-лап», көзінің жасын көл қылып, туған жердің жусанын иіскең, Түркістанның топырағын сүйіп, орамалға түйіп алғып жатты.

Президент Құрылтайдың Төралқа жиынында ағынан жарылып сөз сөйледі, салтанатты дастарханда шырқатып, «Сарыбидай» әніне салды. Ел риза болды.

Алматының төрінде Құрылтайға арнап жұз үй тіктік. Сойыста, сый-сияптарда есеп болған жоқ. Ел дүрлікті. Қазақ рухтанды. «Егемен Қазақстан» газеті күн сайын: «Таныт, қазақ, ұлтынды, тауып ата жүртүнды», «Қазақтың ағылысы-ай, қандастың сағынышы-ай», «Жинал, қазақ, жеріне – егеменді еліңе», «Әлемге атын қосқан, алаштың басын қосқан – Қазақ ел!», «Қазаққа бірлік бер, береке, тірлік бер, Құрылтай!» «Ажырамай ағайынның арасы, құтқа толсын қазағымның даласы» деп, алақайлап, күнде әлемге жар салып жатты.

Осылай, Тұңғыш Құрылтай Тәуелсіздіктің тұңғыш тойына, халқымыздың рухын көтерген құбылысқа айналды; елдігімізді танытты, қазақ халқының абыройын асырып, абынын асқақтатты. Қөп кешікпей алыстағы ағайынның атамекенге ат басын түзеген ұлы

көші басталды. Ақындар жыр төкті, күйшілер күй төкті, Тәуелсіз Қазақстанның аспанында әуелеп ән қалықтады.

Одан бері Дұниежүзі қазақтарының бес құрылтайы өтті, өте де береді, бірақ Тұнғыш Құрылтайдың жөні бөлек, ол тарихымызда қазақты арманына жеткізген бақытты қауышудың басы болып қала береді. Ол бір естен кетпейтін әсер, сарғайған сағыныш енді ешқашан қайталанбайды.

Сол кезді есіне алып:

—Әлемнің әр қырында өмір сүріп жатқан бауырларымызды ата-жұртқа оралту бағытында көптен ойымда жүрген арманымды орындаған сәтім – Менің өз өмірімдегі ең бақытты кезеңім. Тапсырылған жұмысқа кіріскең азаматтар да табандылық пен іждаһаттылық үлгісін танытты. Қайраткерлік қуатын байқатты. Тынымсыз тірлік зия кеткен жоқ, ойдағыны атқарып, ортамызды толтырдық, – деп жазады Елбасы.

Осы бір жолдар маған және аса жауапты кезеңде менімен бірге болған жігіттерге арналып отырған тәрізді. Ол азаматтардың біразы бүгін де елінің қамында, Елбасының жанында абырайлы қызмет атқарып жүр. Аса бір қыын-қыстау, тағдырлы кезеңде елдің де, Елбасының да сенімін ақтай алғанымызға тәуба деп, шүкіршілік етемін.

Құрылтайдан кейін караша айында Қазақстан Халқы Форумын өткіздік. Осы Форумның аясында Президент бүгінде әлемге әйгілі, ынтымақ-бірлігіміздің тірегі – Қазақстан Халқы Ассамблеясын құрды.

Кітаптың келесі бір бетінен мынадай жолдарды оқимыз:

—Ағайынға арнап көп нәрсені айтқым-ақ келеді. Алайда, іштегінің бәрі сыртқа шыға бермейді ғой. Ел бірлігі, көп ұлтты Қазақстанның бірлігі мен тыныштығы жатсам-тұрсам көкейімнен кетпейтінін, маған жалғасып жатқан қазақ көшінің тағдыры тіпті де оңай сезіліп тұрмағанын айтқым келеді. Жырақтағы жұртың туған жерге жаутандап отыrsa кісінің жаны қалай жай табады?

Елбасы осылай ағынан жарылады, алыстағы ағайынның тағдырын өз тағдырына балайды.

—Осынау жылдарда елімізге бір миллионға таяу бауырларымыз оралды. Қазақ елінің шаңырағы биіктеп, керегесі кеңеңе түсті. Көш әлі де тоқтаған жоқ. Біз әрбір бауырларымызды Атамекенің аңсап келген ағайын деп қана қарамай, бір туған бауыр, елге қосылған елеулі қазына деп қабылдаймыз. Шекара жабылмайды, қадамымыз жаңылмайды. Ұлы көш жалғаса береді. Өйткені, әлемдегі бар қазақ – бір қазақ, – деп түйіндейді ойын автор.

Кітаптың «Мұраты бірдің – қуаты бір» деп аталатын тарауында еліміздің түпкі мүддесі, кемел келешегі, асыл мұраты, алатын асулары, Отанға деген деген ілтифат – ерекше шабытпен толғанады. Бұл еңбектің не үшін жазылғанына да окушы жауапты осы тараудан табады. Елінің ауыр жүгін арқалаған Азаматы ретінде Елбасы туған жұртына деген өзінің шексіз махаббатын аса бір ыстық сезіммен, кіршіксіз көнілмен баяндайды. Окушысымен сырласады, мұндасады, ой беліседі.

Сөзді автордың өзіне берейік:

—Егемен ел болу жөніндегі ата-бабаларымыздың асыл арманын жүзеге асырдық. Әлемдік өркениеттен егемен ел қатарында өз орнымызды таптық. Өзгелермен бойымыз да, ойымыз да теңесті. Қарудың күшімен емес, ақыл-парасаттың, сарабдал саясаттың арқасында әлем назарын өзімізге бұрдық. Тәуелсіз мемлекет аталып, шекарамызды шегендедік. Әлем қазақ жерінің кеңдігін ғана емес, байлығы мен бақытын да мойындастын болды. Өзгелер сабак алатын, үлгі тұтатын жаңа тұрпатты мемлекеттік модель жасадық. Тәуелсіз Қазақстанның алғашқы Елбасы болу маған бүйірді. Аянып қалған жерім жоқ. Менің бақытым – халқымның бақыты. Менің женісім – халқымның женісі. Халқыммен бірге өстім. Жақсыны көрсем ұмтылып, соған теңелуге тырыстым. Үлкенді сыйлап, кішіге қамкор боп өстік. Уақыт бізben санасты. Ел есейді. Елмен бірге мен де үлкен өмір мектебінен өттім. Үйрене жүріп жол таптық. Осы ғасырдың ортасына

қарай біз Қазақстанның әлемдегі аса дамыған отыз мемлекеттің қатарына қосылуын межелеп отырмыз. Бұл – ұлт жоспары, қазақстандық арман.

Елбасының ендігі мұраты – елінің бейбіт өмірі, ертеңгі нұрлы болашағы, ауызбіршілігі мен ынтымағы, бабалардың аманатын орындау жолындағы атқарып жатқан иғлікті істерінің нәтижесін халқымен бірге көру, бірге қуану, бірге шаттану, түптеп келгенде – Мәңгілік ел орнату.

–Біз Ұлы Даңа елінің кешегісін бүгінге, бүгінгісін ертеңге жалғаймыз. Оның ұлы тарихын жаңа дәуірде жарқыратып жаңадан жазамыз. Жаңа ғасыр – үшінші мыңжылдыққа Қазақстанның қолтаңбасын басамыз. Мұратымыз – Мәңгілік Ел. Ақтық демім қалғанша, әл-дәрменім талғанша, халық жүгін көтеруден қашпаймын. Бұл – менің Президенттік те, перзенттік те парызым. Қадірінді білер халқың болса, одан артық бақыт жоқ. Кеудемде жаным барда халқым менен не күтсе де көтеремін, – деп аяқтайды Елбасы өз ойын.

Айтқаны келсін. Дегеніне жетсін. Періштелер: «Әумин!» десін. Нұрсұлтан Назарбаевтай басшысы бар ел бақытты. Қазақстандай елі бар Елбасы да бақытты.

«Ұлы Даңа ұлағаттарының» тілі қарапайым, ұғынықты, көркем әрі шешен. Ой үйқасы кейде жыр үйқасына айналады. «Туған елім – тірегім», «Бірлігі жеткен ел озады, бірлігі кеткен ел тозады», «Алтау ала болса, ауыздағы кетеді, төртеу түгел болса төбедегі келеді», «Саусақ бірікпей, ине илікпейді», «Бөлінгенді бөрі жейді», «Бірлік болмай, тірлік болмайды», «Үй менікі деменіз, үй артында кісі бар», «Откенге топырақ шашпа, келешек саған тас атады», «Хан – халықтың қазығы», «Құдайдан қорықпағаннан қорық», «Өз дінінді қадірле, өзге дінге бас ұрма» секілді ғасырлар бойы қалыптасқан, халқымызды үнемі ынтымақ-бірлікке ұйыстырып келе жатқан асыл сөздер, мақал-мәтелдер кітаптың ажарын кіргізіп, мазмұнын байытып, ойды тереңдете түскен. Олар кейде автордың қаламынан туған қанатты сөздерге ұласып жатады.

«Ұлы Даңа ұлағаттары» – Тәуелсіздік туралы толғау; тәуелсіз ғұмыр кешкен ширек ғасырдың шежіресі; қазақ қоғамының ақиқаты; адам, қоғам, заман туралы толғаныс; әлемдік кеңістікте өзге елдермен бейбіт, баянды өмір сүрудің қағидаттары; ұлтаралық ынтымақ-бірлікті сақтаудың шарттары; болашақ туралы тебіреніс; Президент Нұрсұлтан Назарбаевтың жан сыры.

«Ұлы Даңа ұлағаттары» – Ұлы Даңа абызының ғибратты сөзі; елінің тізгінін ұстаған, ұлтының көшін бастаған көсемінің сөзі. Келешектің сөзі. Аталы сөз. Баталы сөз.

«Ұлы Даңа ұлағаттары» – табиғаты да бөлек, құны да бөлек, көтерген жүгі де бөлек асыл мұра; егемен еліміздің байтақ тәжірибесін, өткенімізді де, өскенімізді де бойына сыйғызып тұрған қымбат, тағылымды кітап; жаңа ғасырда, жаңа заманда, жаңа дәуірде ел билеген кеменгердің кейінгіге аманаты; жастың да, жасамыстың да қолынан түспейтін, отаншылдыққа, ынтымақшылдыққа, ата салтын сақтауға, ел үмітін ақтауға, тәуелсіздіктің қадір-қасиетін терең түсінуге баулитын тәрбие құралы; әрбір қазақстандықтың бағдаршамы, темірқазығы.

«Ұлы Даңа ұлағаттары» – тәуелсіздігіміздің жиырма бес жылдығына тамаша тарту, мерейлі мерекеміздің бағасы, ақжолтай сүйіншісі, бойтұмары.

Ендігі жерде бұл кітапты биік кенселерде, барлық мекемелерде, оқу орындарында оқытып, көпшіліктің, келешек ұрпақтың санасына сініру міндет.

Мырзатай ЖОЛДАСБЕКОВ